

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 43. stav (5) i 52. stav (1) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 129. sjednici, održanoj 18.05.2026. godine, d o n o s i

## **ODLUKU**

**o usvajanju Programa utroška sredstava  
u razdjelu 23 – Ministarstva za poljoprivredu, šumarstvo i vodoprivredu, pozicija  
„Tekući transfer za Institut za zdravlje i sigurnost hrane Zenica za projekte  
iz oblasti veterinarstva i bilja“ - Izvor 10, Budžeta Zeničko-dobojskog kantona za 2026.  
godinu**

### **Član 1.**

#### **(Predmet)**

Usvaja se Program utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja, u razdjelu 23, budžetska organizacija 01, potrošačka jedinica 0001, ekonomski kod 614100, NAD 405, pozicija „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ - Izvor 10, u iznosu od 250.000,00 KM (slovima: dvijestotinepedesethiljada i 00/100 konvertibilnih maraka) Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26) i čini sastavni dio ove odluke.

### **Član 2.**

#### **(Način realizacije sredstava)**

Sredstva planirana ovim programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Zeničko-dobojskog kantona.

### **Član 3.**

#### **(Realizacije Odluke)**

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

### **Član 4.**

#### **(Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-10069/26

Datum, 18.05.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZA POLJOPRIVREDU,  
ŠUMARSTVO I VODOPRIVREDU**

**PROGRAM UTROŠKA SREDSTAVA U RAZDJELU 23 – MINISTARSTVA ZA  
POLJOPRIVREDU, ŠUMARSTVO I VODOPRIVREDU, POZICIJA „Tekući transfer za  
Institut za zdravlje i sigurnost hrane Zenica za projekte  
iz oblasti veterinarstva i bilja“- IZVOR 10, BUDŽETA ZENIČKO-DOBOJSKOG  
KANTONA ZA 2026. GODINU**

*Zenica, maj 2026. godine*

## Podaci o programu

Program je usvojen:	na 129. sjednici Vlade Zeničko-dobojskog kantona održanoj 18.05.2026. godine.
Period realizacije Programa:	Realizacija Programa utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja, izvršiće se u 2026. godini.
Ukupna vrijednost Programa:	250.000,00 KM
Namjena Programa:	Unapređenje zdravlja životinja, sigurnost hrane i zaštita javnog zdravlja u Zeničko-dobojskom kantonu kroz integrisani pristup One Health, unapređenje laboratorija, usklađenost akreditacija i usklađenost sa evropskim normama uspostava digitalnog portala i društvenih mreža u poljoprivredno-prehrambenom sektoru, unapređenje zaštite bilja kod proizvođača bobičastog voća.
Korisnici Programa:	„Institut za zdravlje i sigurnost hrane“ Zenica
Izvor sredstava:	Budžet Zeničko-dobojskog kantona za 2026. godinu, Ministarstvo za poljoprivredu, šumarstvo i vodoprivredu, „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ – Izvor 10.
Odgovorna osoba:	Jasmin Čajić, ministar

## **I NAZIV PROGRAMA**

Program utroška sredstava Budžeta Zeničko-dobojskog kantona Instituta za zdravlje i sigurnost hrane Zenica za projekte iz oblasti veterinarstva i bilja (u daljem tekstu Program), u razdjelu 23 – Ministarstvo za poljoprivredu, šumarstvo i vodoprivredu, budžetska organizacija 01, potrošačka jedinica 0001, ekonomski kod 614100, NAD 405, pozicija „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“- Izvor 10 (u daljem tekstu: Institut).

Programom se određuje iznos sredstava za transfer i dodjelu po utvrđenom prijedlogu Projekata, na zahtjev Instituta, aktima broj: 02-866/26 od 16.03.2026. godine i 02-1461/26 od 28.04.2026. godine.

## **II ZAKONSKI OSNOV ZA PROGRAM**

Zakonom o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) opredjeljena su sredstva na poziciji „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ u ukupnom iznosu od 250.000,00 KM.

Članom 43. stav (5) Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25) propisano je da će se budžetska sredstva na poziciji „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ koristiti prema programu utroška koji donosi Vlada Kantona, a u članu 52. stav (1) je utvrđeno da nadležno ministarstvo predlaže Vladi Kantona program utroška sredstava iz člana 43. istog Zakona.

## **III SVRHA PROGRAMA**

- Unapređenje zdravlja životinja, sigurnost hrane i zaštitu javnog zdravlja u Zeničko-dobojskom kantonu kroz integrisani pristup One Health kroz posebne ciljeve: unaprijeđenje dijagnostike i kontrole mastitisa i reproduktivnih poremećaja kod mliječnih krava, jačanje biosigurnosne mjere i zdravstveni nadzor u peradarstvu, povećanje nivoa higijene, samokontrole i laboratorijskog monitoringa u oblasti sigurnosti hrane, smanjenje rizika po zdravlje ljudi kroz prevenciju zoonoza i kontrolu zdravstvene ispravnosti hrane,
- Unapređenje efikasnosti, transparentnosti i dostupnosti informacija i usluga u poljoprivredno-prehrambenom sektoru ZDK kroz uspostavu digitalnog portala i društvene mreže pod vodstvom Instituta uspostavljanjem funkcionalnog digitalnog portala,
- Usklađivanje rada laboratorija sa zahtjevima standarda BAS EN ISO 17025, osiguranje međunarodne priznatosti rezultata, te kontinuirano unapređenje kompetencija osoblja i tehničkih kapaciteta i održavanje statusa akreditovane laboratorije, proširenje opsega akreditiranih metoda, te potvrdu kompetentnosti kroz međulaboratorijska poređenja,
- Unapređenje proizvodnje zdravstveno bezbjednog bobičastog voća uz zaštitu zdravlja ljudi i okoliša primjenom Integralne zaštite bilja, te edukovanje proizvođača bobičastog voća da efikasno primjenjuju fitofarmaceutska sredstva (FFS), smanjuju troškove proizvodnje i štite korisne insekte (pčele).

## **IV IZVORI FINANSIRANJA I VISINA SREDSTAVA**

Budžetom Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), u razdjelu 23, budžetska organizacija 01, potrošačka jedinica 0001, ekonomski kod 614100, NAD 405, pozicija „Tekući transfer za Institut za zdravlje i sigurnost hrane Zenica za projekte iz oblasti veterinarstva i bilja“ – Izvor 10, planirana su sredstva u iznosu od 250.000,00 KM. Za prekoračeni iznos odobrenih sredstava Institut će obezbjediti vlastita sredstva.

## **V UTVRĐENI PROJEKTI**

### **1. ONE HEALT**

- Zdravlje mliječnih krava (mastitisi i reprodukcija),
- Peradarstvo,
- Sigurnost hrane.

### **2. DIGITALNI POLJOPRIVREDNO-PREHRAMBENI PORTAL ZDK – „JEDNO MJESTO ZA INFORMACIJE, USLUGE I KOMUNIKACIJU“**

### **3. ODRŽAVANJE AKREDITACIJE I CERTIFIKACIJE VETERINARSKIH ORGANIZACIJA U SKLADU SA MEĐUNARODNIM NORMAMA I STANDARDIMA**

### **4. UNAPREĐENJE ZAŠTITE BILJA KOD PROIZVOĐAČA JAGODASTOG I BOBIČASTOG VOĆA (JAGODA, MALINA, KUPINA, BOROVNICA I RIBIZLA) U SKLADU SA PRINCIPIMA INTEGRALNE ZAŠTITA BILJA**

## **VI AKTIVNOSTI PLANIRANE PROJEKTIMA**

Aktivnosti koje su planirane predloženim projektima:

- uzorkovanje mlijeka i laboratorijska dijagnostika mastitisa,
- izolacija uzročnika i izrada antibiograma,
- ciljano terapijsko usmjeravanje liječenja,
- uvođenje ELISA metode za ranu detekciju graviditeta,
- edukacija farmera i veterinarskih stanica o značaju pravilnog liječenja i reproduktivnog upravljanja,
- terenski monitoring farmi i procjena biosigurnosnih uslova, te dostavljanje zaštitne opreme veterinarskim stanicama,
- edukacija farmera, veterinara i drugih subjekata uključenih u proizvodni lanac,
- izrada i distribucija stručnih smjernica i priručnika o biosigurnosti,
- podrška uspostavljanju kvalitetnijeg sistema evidencije i praćenja stanja u sektoru peradarstva,
- laboratorijska podrška u dijagnostici i procjeni zdravstvenih rizika,
- organizacija seminara, radionica i stručnih panela o HACCP sistemu i higijenskim zahtjevima,
- izrada vodiča sa smjernicama za planove samokontrole,
- izrada priručnika o higijenskim zahtjevima u primarnoj proizvodnji,
- laboratorijsko praćenje zdravstvene ispravnosti hrane, mlijeka, vode i briseva,
- podrška izradi i unapređenju baze podataka subjekata u poslovanju s hranom Nabavka IT usluga (dizajn i razvoj),

- kreiranje baze podataka i modula za obavještenja,
- obrada i unos regulatornog sadržaja,
- produkcija video uputstava i check-lista,
- organizacija info-dana i terenskih radionica,
- kampanja na društvenim mrežama,
- nastavak integracije normi i direktiva kroz dosljednu primjenu BAS EN ISO 17025,
- osiguranje ispravnosti i preciznosti mjerne opreme kroz redovne kalibracije i servise,
- održavanje i proširenje liste akreditiranih metoda potrebnih za nadzor bolesti i sigurnost hrane,
- kontinuirano osposobljavanje analitičara i potpisnika nalaza u skladu sa najnovijim naučnim saznanjima,
- uspješno sudjelovanje u međunarodnim programima ispitivanja osposobljenosti (Proficiency Testing),
- nabavka fitofarmaceutskih sredstava (FFS),
- edukacija poljoprivrednih proizvođača o principima i načelima Integralne zaštite bilja,
- edukacija o najvažnijim štetnim organizmima u proizvodnji jagodastog i bobičastog voća,
- edukacija poljoprivrednih proizvođača o pravilnoj primjeni fitofarmaceutskih sredstava (FFS) za zaštitu bilja u proizvodnji jagodastog i bobičastog voća,
- izrada i distribucija letaka koraci sigurne primjene fitofarmaceutskih sredstava (FFS) za zaštitu bilja,
- izrada i distribucija letaka, brošura o zaštiti pčela prilikom tretmana voćnih kultura,
- plasiranje aktuelnih obavijesti i savjeta poljoprivrednim proizvođačima putem web stranice Instituta.

## VII KORISNIK SREDSTAVA

Korisnik sredstava Budžeta Zeničko-dobojskog kantona za 2026. godinu je Javna ustanova - „Institut za zdravlje i sigurnost hrane“ Zenica.

## VIII NAČIN I ROKOVI IZVJEŠTAVANJA

Korisnik doznačenih sredstava dužan je dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava (narativni i finansijski izvještaj) do 31.03.2027. godine.

U slučaju da Korisnik doznačenih sredstva ne dostavi narativni i finansijski izvještaj o utrošku sredstava za odobreni projekat do ostavljenog roka neće biti prihvaćena za finansiranje projekata u narednoj fiskalnoj godini.

O utrošku namjenskih sredstava po ovom Programu, Ministarstvo za poljoprivredu, šumarstvo i vodoprivredu dužno je polugodišnje i godišnje izvještavati Vladu Zeničko-dobojskog kantona.

Broj: 02-11-10069/26

Datum, 18.05.2026. godine

Zenica

**PREMIJER**

*Nezir Pivić*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x „Službene novine Zeničko-dobojskog kantona“,

1x a/a.